

三念法師功德大建教化明遠俱獲飛仙

四念同志學人早得仙道更相開度

五念九親和睦好尚仁義貴道賤財行為物

範

六念損已布施道士及飢寒者天下人民各

得其所

七念蠕動踐行一切衆生咸蒙成就

八念赦罪前生今世罪對立功補過

九念家門隆盛宗廟有人世生賢才

十念專受師經不敢中怠平等一心廣度一

切克獲上仙白日登天拜見太上未成具

人雲車羽駕和與道合真

存神燒香

香官使者左右龍虎君侍香諸靈官當令臣

清旦陞壇行道之所自然生金液丹碧芝英

百靈衆真交會在此香火爐前令臣學道得

道求仙得仙齋官蒙福幽顯靈恩十方仙童

玉女接待蘭煙傳臣向來所啓之誠速達徑

御

至真無極大道昊天玉皇上帝御前

出堂頌
引至畢
謝師

靈寶領教濟度金書卷之一百九十四

正一天師清微弟子 洪百堅 製作
道教學術資訊網站

靈寶領教濟度金書卷之一百九十五

洞微高士開光救苦真人寧金真授

靈寶通玄弘教水南先生林靈真編

科儀立成品 安宅 請用

午朝行道儀

啓堂頌

各禮師存念如法

衛靈

丹靈朱火 炎霞激風 赤輪剛運 天光八衝

逆威包羅 交變萬方 流金豁落 群魔滅蹤

辟姦破扶 明耀元功 金符召制 躡雲乘龍

謠歌慶會 散花太空 神化冥運 四極安隆

伏御帝前 罔有不恭 和與道合真

鳴法鼓二十四通

發爐

无上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓開啓玄壇天帝神君當召此

間土地方域神真臣今午朝陞壇行道謹奏
為入意其諸丹悃已錄告闕願得
太上十方至真道悉靈寶瑞光下降流入臣
等身中令臣所啓之誠速達徑御
至真无極大道昊天玉皇上帝御前

請稱法位

具位奉行五土齋醮法事小兆臣某與臨壇
官衆等謹同誠上啓

太上无極大道虛元自然元始天尊太上道
君太上老君昊天玉皇上帝南極天皇帝
北極紫微大帝南極長生大帝東極青華大
帝后土皇地祇九天生神上帝三十二天上
帝五靈五老上帝上清十一曜真皇君南斗
六司真君北斗九皇真君二十八宿星君營
室虛危星君土公土吏蓋屋土司空星君辟
土宮孤炁星君泰玄樞機三省諸相真君北
極四聖真君三元三官帝君靈寶五師真君
九天諸司真君天曹諸司真君祖師列位真
君三洞四輔經錄法部諸省府院司仙靈將
吏五嶽五帝真君五天聖帝洞天福地靖慮

治化仙真主宰本靖祖玄真師真人經籍度
師真人北陰鄴都大帝水府扶桑大帝九靈
土皇君土府五方大帝南離北坎東震西兌
四面方隅禁忌神君本府本縣城隍主者當
境里域真官三界官屬一切威靈臣聞大道

凝玄植天根於五劫至真演妙數聖帝於群
靈皇皇昭臨下之權靈靈受中之性職履
職載靈由宰御之中分陰分陽不離甄陶之
內運帝車於紫極列神座於黃坡枝幹星羅
先後天之乾坤異位官維基布左右隅之離
坎殊方巢居既遠於淳風室處遠園於化日
吉凶昭若隱顯皎然臣等錄景投闕餐霞自
適炳丹青之誓勵志考槃奉金石之詞強顏
出岫庶不孤於陶治庸克副於承宣齋主青
詞謹當宣告

宣詞

按如詞旨備切忱悔齋主某切切聚慮奉
考室上棟下宇免風雨之震凌東垣西墻象
星河之鈞紀工程告備翰奕斯張念經之誓
之或昧天官日時之向背雖美矣究矣或千

地禁神教之往來莫居期副於丹忱稍禱宜
皈於玄陰潔躡蓬宇法象楓庭玉燧三成拱
十極无為之主寶花四雨降三天浩劫之尊
對咫尺之威顏敷方寸之懇款願頌龍綽申
錫鴻禧克延百世之昌為協五行之教以今

午朝行道請法眾等運茲初檢上香
願此香煙騰空徑上供養
至真无上道寶天尊臣等皈身皈神皈命首
體投地仰依
太上三尊願以是功德上祝
皇帝陛下伏願身靈廣覆舜日齊明八荒昭
文軌之同垂衣御極萬國慕梯航之遠負辰
朝元五山鎮地以齊齡八海浮天而並福宗
桃先聖珠旒高拱於紫清藩屏諸王玉葉光
依於皇極今故燒香自皈依

道尊大聖眾至真之德得道之後保天長存
和與道合真

以今午朝行道請法眾等運茲三檢上香
願此香煙騰空徑上供養
至真无上經寶天尊臣等皈身皈神皈命首

體投地仰依

太上三尊願以是功德皈流齋主其伏願圓

清錫隆方厚凝珍萬景俱融耀門闈之喜氣

一塵不立舒宇宙之休聲青華書不老之名

丹極紀長生之字祖玄超邁驂麟駕以高躋

孫子綿洪登龍門而穩步今故燒香自皈依

經尊大聖眾至真之德得道之後永保長生

和與道合真

以今午朝行道請法眾等運茲三捨上香

願此香煙騰空徑上供養

至真无上師寶天尊巨等皈身皈神皈命首

體投地仰依

太上三尊願以是功德皈流普天率土中夏

外夷戴髮含齒之徒負羽披鱗之類並願時

調玉燭歲慶金穰川涑雲飛遂生生而疾超

覺地耕食聚歛離化化而頓悟玄機均證真

常永超輪轉巨等三師四友九族六親登無

漏之薦林辭有為之茅徑今故燒香自皈依

師尊大聖眾至真之德得道之後昇入无形

和與道合真

十一

禮方

懺方

命魔

步虛

三啓

樂法以為妻

愛經如珠玉

持戒制六情

念道遺所欲

澹泊正氣停

蕭然神靜默

天魔並敬護

世世享大福

又

鬱鬱家園盛

濟濟經道興

天人同其願

縹緲入大乘

因心立福田

靡靡法輪昇

七祖生天堂

我身白日騰

又

大道洞玄虛

有念無不契

煉質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

十一

玄中大法師

重稱法位

具位臣某謹重誠上啓

三清上聖十極高真九天生神上帝五靈五

老上帝辟土馭天宮六曜星君三洞四輔經

錄法部諸省府院仙靈將吏九壘三十六土

皇君五方大帝南離北坎東震西兌四面方

隅禁忌神君城隍主者里域具官三界官屬

一切威靈臣聞函三凝粹拱清微玄妙之極

得一分靈贊赤明希夷之化蔚若權衡之有

度昭然網紀之無私經羅四七之常上分次

舍緯綜五三之變下列方隅稟帝憲以御民

生承天符而陶物象襲祥光則千靈為杜積

盤蒸則百怪呈姦非叩九清曷膺五福今齊

主某卜觀并邑爰作室家百堵皆興幸哉

之迄就一區自蔽喜版築之有成樂琴書匪

耀於當時榮箕朞期延於奕世猶恐綿延月

筵連巨星寄隊彼岡兮瓦石或盤於吉位鑿

斯池也錐錐或陷於凶方昧清濁而辨方之

差殊亂偶奇而練日之紛揉易臻厄難為避

十一

禎祥爰上潤於形宸庶下符於丹悃伏冀雲
開闢風動絲綸敷太歲統神之司闡眾然
秉令之吏收其威照許以禱禳迎將軍豹尾
之貴神驅力士虎頭之賤然水官震動飛塵
火炁之災木位騰驟連報土輝之靈消千災
於已往迎萬福於方來舉按齊眉宴壺天之
日求扶牀坐膝慶福地之春融未消乖運之
風濤式俟熙朝之歲月百室盈止庶事康哉
允懷化育之恩不負皈依之願上願玄元朗
耀洞輔宣明宇宙清平山河泰定春桑盈於
方野黃隴雲翻畫鞞鞠於園扉綠林風靜百
昌茂育五炁宣寧三途停因繫之憂五道息
輪迴之苦凡居動植均格熙平則上明
天尊大慈之化下副臣等懇禱之誠謹啓以
聞

發願

一願大道濟泊虛无安閑空寂澄清自居廣
開法門教導頑夫皆蒙惠澤精苦自修預
以同學普得升虛與天相保長存無憂
二願諸天結炁澄清高虛廣覆保真固靈氣

候調節四運和平國安民豐普天開寧廣
濟一切惠達有生保天長存億劫不傾
三願土地厚載無窮安平不陷海淪不崩保
鎮家國兆民興從養生安死惠周十方未
稼穡植管運日豐咸得承載萬類皆從

四願日月二景高明無有孛蝕虧盈安清光
照諸天洞消暗冥保固劫運世祚和平善
加潤澤惠灑眾生

五願星辰與日齊光轉燭照耀朗映十方各
安其位經緯直行保鎮家國無有災傷四

海寧一普天興昌

六願四時隨節推遷景氣和調無有災惡疫
毒消滅普天安平五穀豐熟國富民歡
七願浮雲結炁聚煙飛空高澄陰覆玄玄隱
則無為散則彌天神仙同居結友眾真惠
流一切興國愛民普濟群生人同劫年

八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長為仙宮安
鎮國祚保天无終護度一切莫不仰宗

十願江海蕩蕩无極舍容恢廓無細不植淵
奧乘惠潤加喘息天人獲慶年同劫石
十一願帝王國主日昌四鎮安睦兵革不揚
天人歌唱吉應來翔敷教濟濟威化揚揚
兆庶稱慶長樂未央

十二願蜃飛蠢動已生未生成蒙安全普得
生成皆見元氣受陽之形草木果林經冬
不零一切濟度靡不鮮榮

存神燒香

香官使者左右龍虎君侍香諸靈官當令臣
午朝陞壇行道之所自然生金液丹碧芝英
百靈眾真交會在此香火爐前當令臣學道
得道求仙得仙齋官蒙福幽顯雷恩十方仙
童玉女接侍蘭煙傳臣向來所啓之誠速達
徑御

至真无極大道昊天玉皇上帝 御前

出堂頌

引至六幕

謝師

靈寶頓教濟度金書卷之一百九十五